

Сургъульчнр 60 гектар эрдни-шишӓ асрджана

Яшкульск района 108-ч совхозин централн усадьбас 7 километрт бӓӓх ургъа модд заагт Маныческ долан джилӓ школин сургъульчнрин производственн бригадин культстан бӓӓнӓ.

Культстанла зерглӓд, негл хаалгъ гатц, эн бригадт батлсн, 60 гектар эрдни-шишӓн газрнь бӓӓнӓ.

Бригадин культстанд хойр палатк татдж, хамг кергтӓ тоот юмсинь кӓццднь диглдж кӓцӓсн вагончик бас бӓӓнӓ.

Совхозин гардачнр багшир-та эртӓсн зӓвчлдж, сургъульчнр сӓӓнӓр кӓдлмшӓн кехд болн амрхднь юн кергтӓ болна — цугтнь кӓцӓдж. Вагончик деернь улан дарцг киискӓтӓ, тӓгӓлӓд лозунгс олгӓтӓ. Кесг газрт репродуктор тӓвдж, радиоприемник бӓӓнӓ. Куукд болн кӓвӓд салу-салу бийӓн угъадг душ кегддж, физкуль-

турн цуг оборудовань кӓцц бӓӓнӓ, олн-зӓсн газет болн журналмуд ирнӓ.

Иим бӓӓдлтӓгъӓр кӓдлмш кех болн амрх хамг эв-аргъинь олдж диглдж ӓгсиднь сургъульчнр дегд икӓр байрлдж ханджацхана. Эн бригадт цуг бийнь 20 кӓвӓд-кӓуукд кӓдлджӓнӓ. Ода деерӓн 60 гектар эрдни-шишӓг никт газринь таслад, таджрхадулад, эрӓд хоорндк ӓвсинь чавчад, газринь джӓблдкӓд дуусдж йовцхана.

—Эврӓннь участкдан эрдни-шишӓн ик ургъц авч, олна малд хойр джилӓ хот белдхднь лавта дӓнь болхвдн, — гидж бригадин нерн деерӓс сургъульчнр Бобров Гриша болн Баякаев Владимир, бригадин хург деер келдж иткӓлцхӓв.

В. АЛЕКСАНДРОВ.